

Литературная шоркар

Котырес лыдпус

Эграысь — Увае

Туннэ, 21-тй толсуре, Йёскалык библиотекаын йылпумъяськызы Эгра ёрослэн литературная нуналъёсыз. Эгра район Удмуртилэн литературная шоркарез вал быдэс арзэ. Ёросысь гуртъёсын сяна, Ижын но турлы ужрадъёс ортчыллызы.

Йёскалык библиотекаын но 21-тй толсуре адзытонъёс, кенешонъёс, эгра мода возматонъёс радъяськызы. Кылсярысь, Сундур гуртысь удмурт культурная центр Лёпшо Педунен ёш калыкез серекъятыз, удмурт шудонъёсын но выжыкылъёсын тодматиз. Филология наукаосъя кандидат, доцент Светлана Скопкарёва Кедр Митрей сярысь лекция лыдиз. Филология наукаосъя кандидат, «Вордскем кыл» журналлэн валтысь редакторез Андрей Клементьев «Кедр Митрей — 2030» форсайт-сессия сярысь вераз. Та ужрад ортчытэмын вал Ижкарысь Экономика но технологиосъя колледжын. Отысь студентъёс Кедр Митрейлэсь нимзэ 2030-тй арозь калыке вёлмытон амальёс но кабыёс бордын ужазы. Эгралась нылпи ёрос библиотека пинальёс понна «Игра в игре» шудон ортчытыз. Нош Йёскалык библиотекалэн литературная кунокуаяз «Удмурт кылме но калыке данъяса» пумиськон жыт вал. Татын асьсэлэн творчествонызы тодматизы, литература сярысь кенешизы, кылбуръёссэс лыдизы Эгра ёросын вордскем писательёс — Алексей Лekomцев, Татьяна Чернова, Елизавета Лekomцева, Алексей Данилов. Туннэ тодмо ни, кыче ёрос вуоно арын Удмуртилэн литературная шоркарез луоз — Ува район. 2024-тй арын уваос асьсэлэн кылбурчиосынызы, прозаикъёсынызы Удмуртиын улйсьёсты мургес тодматозы, литературалы сизем ужрадъёс библиотекаосын орччытозы.

Кыльёсын чильпаськись



Татьяна Чернова (шорысез) Алёна но Анастасия нильёсыныз.

Тодмо удмурт кылбурчи, журналист, Удмурт Элькуньысь культура удисысь дано ужась Татьяна Чернова 70 аресзэ пусйиз Йёскалык библиотекаын. Юбилееныз жечкыланы сое вуыллызы писательёс но тодосчиос, журналистъёс но артистъёс, эшъёсыз но чыжывыжыосыз.

Татьяна Черновалэн вордскем нуналзлы сизем жыт шунит тулкымъёс вылын ортчиз. Со крезьгуренкылбурен, жечкыланъёсын но тодэ ваёнъёсын пёлэстиськемын вал.

Та жыт Т. Чернова кылбурчилэсь творчествозэ дунъян, Т. Чернова журналистлэсь ужамзэ сйлы карон, Т. Чернова кышномуртлэсь но анайлэсь юбилейзэ пусьён вал. Кылсярысь, литературовед Любовь Фёдорова вераз Татьяна Черновалэсь

удмурт литературалэн историяз бадзым инты басьтэмзэ.

— Тй кылъёсын чильпаськыны быгатиз кылбурчи. Тйляд семьяды но аспортэм, удмуртъёслэн таёез ой вал на, кукле 1 семьяын 3 поколение гождяськисъёс будо (анайды, тй но нильёсты). Тодосчиос эскерыса потизы тйлесътыд гождямъестэс. Тужгес но чем кылбуръёсady пумисько «сюлэм», «сюрес» но «син» кылъёс. Сюлэм вылын возиське тйляд лирикады, — шуиз Любовь Петровна.

Татьяна Николаевналэс егит дырысьтыз учырьёссэ но паймымон эктэмзэ тодаз вайиз ёш дышетскем эшэз — Удмуртиысь культура удисысь дано ужась Раиса Куликова. Ёш ужам аръёссэс тодазы вайыса, «Сизьымдон со — сизьым тон» но «Лобаськод чагыр инмын» эшлыко чуръёссэс-сизёнъёссэс лыдизы Удмуртиысь дано

журналист Лия Малых но Россиысь культура удисысь дано ужась Галина Романова. Аспал эшенызы данъяськыса вераськызы Можга ёросысь вуэм куноос — Надежда Кокарева но Ольга Чувашова.

Т. Черновалэн кылъёсызъя гождэм кырзанъёсты быдэстизы Удмуртиысь тодмо артистъёс Валентина но Игорь Моисеевъёс, Михаил Чернов, Эдуард Уразов, Кияса ёросысь «Инвожо» но Ува каргуртысь «Купанча» ансамбльёс, «Мынам Удмуртие» телерадиокомпанияысь Светлана Пикулева, Светлана Белых. Удмуртиысь калык артист Александр Баймурзин Е. Евтушенколэсь Т. Черноваен удмуртэ берыктэм «Идут белые снега» кылбурзэ лыдиз но Татьяна Николаевналэн пельпум вылаз кужым — тоды шаль кышет — пониз.

Та нуналэ Татьяна Николаевна, жечкыланъёслэсь кепыраса кадь, одйг-ог

синкылиоссэ чүшылиз. Но залын тросэзлэн пушсы тыриз, кукле кылбурчилэн нильёсыз Дарали Лели (Елена Петрова) но Настя Деметер-Петрова кырзасы чужатайзылэсь Николай Черновлэсь «Нуназе мон ветли, ветли но...» яратоно кырзанзэ. Та Можга ёросысь Пазял гуртысь кырзан, пе.

Юбилей жытын ик Татьяна Черновалэн «Пазыльске-а Пазял» книгаеныз (12+) тодматскон ортчиз. Бичетэ пыризы, 1980-тй аръёсысен кутскыса, пöртэм газет-журналъёсын печатлам статьяосыз, очеркъёсыз, интервьюосыз. Ваньмыз соос сиземын Можга ёросысь Пазял но Куёс (Малый Пазял) гуртъёслы, отысь адямиослы. Бадзым инты висьямын Чернов выжыослы. Та книгаен тодматскон ортчоз 25-тй толсуре Пазялысь библиотекаын.